

Na osnovu člana 16. stav (2) Zakona o Vladi Zeničko-dobojskog kantona – Prečišćeni tekst (“Službene novine Zeničko-dobojskog kantona”, broj: 7/10) i Odluke o privremenom finansiranju Vlade Zeničko-dobojskog kantona za period januar - mart 2015. godine (“Službene novine Zeničko-dobojskog kantona”, broj: 8/14), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 203. sjednici, održanoj 04.02.2015. godine, d o n o s i

O D L U K U

o odobravanju sredstava Udruženju „Humanost-societas humanitatis“ Zenica za implementaciju projekta „Dnevni centar za djecu i odrasle osobe s posebnim potrebama“ u Visokom

Član 1.

(Predmet)

Odobravaju se sredstva Udruženju „Humanost-societas humanitatis“ Zenica kao implementatoru projekta „Dnevni centar za djecu i odrasle osobe s posebnim potrebama“ u Visokom, na koji je Vlada Kantona dala saglasnost Zaključkom broj: 02-35-22750/12 od 17.10.2012. godine, u ukupnom iznosu od 36.250,00 KM (slovima: tridesetšesthiljadadvijestotinedeset konvertibilnih maraka) kao učešće Vlade Zeničko-dobojskog kantona u nastavku implementacije projekta „Dnevni centar za djecu i odrasle s posebnim potrebama“ u Visokom, za period januar-mart 2015. godine.

Član 2.

(Analitička konta)

Sredstva iz člana 1. ove Odluke isplatit će se u skladu sa Odlukom Vlade Zeničko-dobojskog kantona o privremenom finansiranju za period januar – mart 2015. godine (“Službene novine Zeničko-dobojskog kantona”, broj 8/14), razdjel 20 – Ministarstvo za rad, socijalnu politiku i izbjeglice, budžetska organizacija 01, potrošačka jedinica 0001, ekonomski kod 614200, KAD 203, pozicija: „Ostali socijalni transferi“.

Član 3.

(Uplata sredstava)

Odobrena sredstva iz člana 1. Ove Odluke će biti uplaćena na račun Udruženja „Humanost-societas humanitatis“ Zenica broj 1610550012510122 otvoren kod Raiffeisen banke Zenica.

Član 4.

(Provođenje Odluke)

Zadužuju se Ministarstvo za rad, socijalnu politiku i izbjeglice, Ministarstvo finansija i Udruženje „Humanost-societas humanitatis“ Zenica, da u skladu sa zakonom i podzakonskim aktima realizuju ovu odluku, svako u okviru svojih nadležnosti.

Član 5.
(Izvještavanje)

Udruženju „Humanost-societas humanitatis“ Zenica će izvjestiti Ministarstvo za rad, socijalnu politiku i izbjeglice o namjenskom utrošku odobrenih i doznačenih sredstava.

Član 6.
(Stupanje na snagu)

Odluka stupa na snagu danom donošenja i biti će objavljena u „Službenim novinama Zeničko-dobojskog kantona“.

Broj: 02-_____/15.

Datum, 04.02.2015. godine

Zenica

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za rad, socijalnu politiku i izbjeglice,

1x Ministarstvo finansija,

1x Udruženju „Humanost-societas humanitatis“ Zenica,

Ul. Saliha Cakana Mulalića br. 5, Zenica (putem Ministarstva)

1x Službene novine Zeničko-dobojskog kantona,

1x a/a.